

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKI NAČELNIK
SLUŽBA ZA PRIVREDU I TURIZAM



BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPALITY MAYOR
ECONOMIC AND TOURIS DEPARTMENT

**PRAVILNIK
O KRITERIJIMA, USLOVIMA I POSTUPKU OSTVARIVANJA PRAVA NA
NOVČANI PODSTICAJ U POLJOPRIVREDNOJ PROIZVODNJI**

Ilidža,
Juni 2022.godina

Na osnovu člana 15. Zakona o principima lokalne samouprave u Federaciji BiH („Službene novine Federacije Bosne i Hercegovine“, broj: 49/06 i 51/09), člana 3. stav (3) Zakona o novčanim podrškama u poljoprivredi i ruralnom razvoju („Službene novine FBiH“, br. 42/10), člana 26. Zakona o poljoprivredi („Službene novine FBiH“, broj: 88/07, 4/10 i 7/13) i člana 90. Statuta Općine Ilidža („Službene novine Kantona Sarajevo“, broj: 33/10,18/16), na prijedlog Službe za privredu i turizam, Općinski načelnik donosi:

**PRAVILNIK
O KRITERIJIMA, USLOVIMA I POSTUPKU ZA OSTVARIVANJE PRAVA NA NOVČANI
PODSTICAJ U POLJOPRIVREDNOJ PROIZVODNJI**

DIO PRVI - OSNOVNE ODREDBE

Član 1.
(Predmet Pravilnika)

Ovim Pravilnikom se uređuje sistem direktnih novčanih podsticaja u poljoprivrednoj proizvodnji iz sredstava predviđenih Budžetom Općine Ilidža za tekuću godinu, namjena podsticaja, korisnici podsticaja, iznosi i normativi za novčane podsticaje, uslovi i način ostvarivanja prava na podsticaj u cilju afirmisanja poljoprivredne proizvodnje i otvaranje novih radnih mjesta kroz zapošljavanje u oblasti poljoprivrede.

Član 2.
(Namjena podsticaja)

Direktni novčani podsticaj :

(1) Tekuća poljoprivredna proizvodnja:

- a) animalna proizvodnja;
- b) biljna proizvodnja;
- c) gljivarska proizvodnja.

(2) Kapitalna ulaganja:

- a) novi platenik;
- b) nova poljoprivredna mehanizacija i priključna sredstva.

Član 3.
(Korisnici)

Direktne novčane podsticaje mogu ostvariti:

- a) registrovana pravna lica sa sjedištem i koja ostvaruju poljoprivrednu proizvodnju na području općine Ilidža;
- b) registrovana fizička lica sa sjedištem i prebivalištem vlasnika obrtu srodne djelatnosti na području općine Ilidža i poljoprivrednu proizvodnju ostvaruju na području općine Ilidža;

- c) neregistrovana fizička lica sa prebivalištem na Općini Ilidža i poljoprivrednom proizvodnjom na području općine Ilidža;
- (2) Korisnici iz stava (1) novčani podsticaj za pčelinjak mogu ostvariti ukoliko je isti lociran na području Kantona Sarajevo.

DRUGI DIO - OPŠTI I POSEBNI USLOVI

Član 4. (Opšti uslovi)

(1) Opšti uslovi za ostvarivanje prava na direktni novčani podsticaj su:

- a) da je upisan u Registar poljoprivrednih gazdinstava i Registar klijenata kod nadležne općinske službe;
- b) da ima sjedište odnosno prebivalište na području općine Ilidža;
- c) da je zdravstveno stanje životinja i provedene mjere u skladu utvrđenim propisima iz oblasti veterinarstva;
- d) da se objekat za držanje stoke nalazi na području gdje je dozvoljeno držanje stoke i sa propisanom površinom namjenjenoj za držanje i uzgoj stoke;
- e) za biljnu proizvodnju da ima zemljište u vlasništvu, posjedu ili zakupu;
- f) za gljivarsku proizvodnju da je kompost fitopatološki ispitan.

(2) Dokumentacija kojom dokazuje opšte uslove:

- a) potvrda o upisu u Registar poljoprivrednih gazdinstava i Registar klijenata, izdata od nadležne općinske službe;
- b) dokaz o sjedištu odnosno prebivalištu na području općine:
 - 1) za pravna lica izvodom iz sudskog registra;
 - 2) za registrovana fizička lica – općinskim rješenjem o registrovanom obrtu;

(3) Za ostvarivanje prava na novčani podsticaj za animalnu proizvodnju kandidati su dužni dostaviti slijedeću dokumentaciju:

- a) potvrdu o zdravstvenom nadzoru i stanju životinja i o provedenim mjerama utvrđenim propisima iz oblasti veterinarsko zdravstvene zaštite, izdatu od ovlaštene veterinarske organizacije sa područja Kantona Sarajevo (na obrascu A-11);
- b) potvrdu na obrascu A-12, izdatu od nadležne općinske službe:
 - 1) o lokaciji objekta, odnosno da se objekat za držanje stoke nalazi na području na kojem je dozvoljeno držanje stoke;
 - 2) o površini prostora objekta namijenjenog za držanje i uzgoj stoke.

(4) Za ostvarivanje prava na novčani podsticaj za biljnu proizvodnju, kandidati su dužni dostaviti slijedeću dokumentaciju:

- a) ZK izvadak ili Posjedovni list, odnosno ugovor o zakupu i ZK izvadak ili Posjedovni list zakupodavca, ukoliko se radi o zakupu zemljišta (ugovor treba biti ovjeren kod ovlaštenih institucija);
- b) kopija katastarskog plana parcele na kojoj je zasnovana proizvodnja.

(5) Za ostvarivanje prava na novčani podsticaj za gljivarsku proizvodnju, kandidati su dužni dostaviti fitopatološki nalaz za kompost izdat od nadležne institucije.

Član 5.
(Posebni uslovi za animalnu proizvodnju)

Posebni uslovi za animalnu proizvodnju:

a) Za ostvarivanje prava na novčani podsticaj za sve animalne proizvodnje, kandidat treba da ispunjava slijedeće uslove:

- 1) da posjeduje životinje obilježene propisanim ušnim markicama;
- 2) da posjeduje odgovarajući objekat zadovoljavajućeg kapaciteta za držanje životinja;
- 3) da objekat za držanje stoke ispunjava zootehničke i zoohigijenske mjere (higijena, svjetlost, prozračnost, propisana površina prostora po grlu);

b) Za ostvarivanje prava na novčani podsticaj za farmu mliječnih krava, kandidat treba da ispunjava slijedeće uslove.

- 1) da posjeduje najmanje dvije muzne krave;
- 2) da posjeduje muzne krave tokom cijele godine,
- 3) da ispunjava uslove iz člana 4. tačka 3.a) i b), ovog Pravilnika.

c) Za ostvarivanje prava na novčani podsticaj za vlastiti uzgoj priplodnih junica, kandidat treba da ispunjava slijedeće uslove:

- 1) da uzgoji najmanje dvije junice;
- 2) da na farmi od vlastitih grla osnovnog stada mliječnih krava na gazdinstvu uzgoji priplodne junice za remont ili proširenje osnovnog stada mliječnih krava;
- 3) da uzgoji junice od najmanje četiri mjeseca gravidnosti;
- 4) da posjeduje pasoše za krave od kojih potiču junice;
- 5) da posjeduje Uvjerenje o vještačkom osjemenjavanju i utvrđenoj gravidnosti od najmanje četiri mjeseca za junice, izdato od veterinarske organizacije sa područja Kantona Sarajevo;
- 6) da dostavi izjavu ovjerenu u Općini da će navedena grla junica držati u vlastitom uzgoju najmanje dvije godine;
- 7) da ispunjava uslove iz člana 4. tačka 3.a) i b), ovog Pravilnika.

d) Za ostvarivanje prava na novčani podsticaj za tov junadi, kandidat treba da ispunjava slijedeće uslove:

- 1) da utovi najmanje troje junadi;
- 2) da je nabavio muški podmladak za tov;
- 3) da tovi nabavljenu junad;
- 4) da je maksimalna ulazna težina junadi uvedenih u tov 200 kg po grlu, a minimalna izlazna težina junadi 450 kg, uz minimalno trajanje tova od 210 dana, a maksimalno 300 dana;
- 5) da u toku tova provodi veterinarske mjere zdravstvene zaštite junadi;
- 6) da posjeduje pasoše za junad;
- 7) da posjeduje pasoše i obrasce o kretanju (C obrazac), za kupljenu junad na području BiH;
- 8) da posjeduje carinsku deklaraciju i pasoše za uvezenu junad;
- 9) da posjeduje potvrdu o zdravstvenom stanju junadi na kraju tova, izdatu od ovlaštene veterinarske organizacije sa područja Kantona Sarajevo;
- 10) da ispunjava uslove iz člana 4. tačka 3.a) i b) ovog Pravilnika.

d) Za ostvarivanje prava na novčani podsticaj za farmu ovaca, kandidat treba da ispunjava slijedeće uslove:

- 1) da posjeduje farmu ovaca sa minimalno 40 grla;
 - 2) da su sve kategorije ovaca starije od 6 mjeseci;
 - 3) da su sve ovce obilježene u skladu sa Pravilnikom o obaveznom obilježavanju;
 - 4) da kandidat tokom cijele godine drži ovce na području općine Ilidža;
 - 5) da ispunjava uslove iz člana 4. tačka 3. a) i b) ovog Pravilnika.
- e) Za ostvarivanje prava na novčani podsticaj za farmu koza, kandidat treba da ispunjava slijedeće uslove:
- 1) da posjeduje farmu koza sa minimalno 25 grla;
 - 2) da su sve kategorije koza starije od 6 mjeseci;
 - 3) da ispunjava uslove za držanje koza u skladu sa Zakonom o zabrani držanja koza;
 - 4) da posjeduje saglasnost nadležne općinske službe za držanje koza u stajskom uzgoju;
 - 5) da su sve koze obilježene u skladu sa Pravilnikom o obaveznom obilježavanju;
 - 6) da ispunjava uslove iz član 4. tačka 3 a) i b) ovog Pravilnika.
- g) Za ostvarivanje prava na novčani podsticaj za farmu za tov piladi, kandidat treba da ispunjava slijedeće uslove:
- 1) da utovi minimalno 3000 komada po turnusu na godišnjem nivou;
 - 2) da je kupio jednodnevnu pilad namijenjenu tovu od lica registrovanog za inkubacijsku proizvodnju jednodnevnih piladi i da istu tovi najmanje 35 dana;
 - 3) da na farmi u toku tova provodi mjere veterinarske zdravstvene zaštite;
 - 4) da posjeduje fakturu i fiskalni račun o kupovini jednodnevnih pilića;
 - 5) da ispunjava uslove iz člana 4. tačka 3.a) i b) ovog Pravilnika.
- h) Za ostvarivanje prava na novčani podsticaj za pčelinjak, kandidat treba da ispunjava slijedeće uslove:
- 1) da posjeduje minimalno 30 pčelinjih društava,
 - 2) da je izvršio upis u Registar pčelara i pčelinjaka, kod nadležne općinske službe;
 - 3) da na pčelinjaku provodi mjere veterinarsko zdravstvene zaštite;
 - 4) da je pčelinjak lociran na području kantona Sarajevo, na vlastitom ili zakupljenom zemljištu.

Član 6.
(Posebni uslovi za biljnu proizvodnju)

Posebni uslovi za biljnu proizvodnju:

- a) Za ostvarivanje prava na novčani podsticaj za zasnivanje novog zasada maline i jagode, kandidat treba da ispunjava slijedeće uslove:
 - 1) da zasnuje zasad maline ili jagode minimalno površine 0,1 ha;
 - 2) zasnivanje novog zasada podrazumjeva jesenju sadnju prethodne godine, i proljetnu sadnju tekuće godine;
 - 3) da je kupio deklarirani sadni materijal, zasadio i proveo odgovarajuće agrotehničke mjere, sa normativima: malina 8000 sadnica po ha, jagoda 40000 sadnica po ha;
 - 4) da ispunjava uslove iz člana 4. tačka 4.a) i b) ovog Pravilnika.
- b) Za ostvarivanje prava na novčani podsticaj za održavanje zasada maline i jagode, kandidat treba da ispunjava slijedeće uslove:
 - 1) da posjeduje zasad maline ili jagode, površine minimalno 0,1 ha;

- 2) da je zasad u fazi rodnosti i da se provode odgovarajuće agrotehničke mjere (obrada zasada, đubrenje, rezidba, njega i zaštita);
- 3) da ispunjava uslove iz člana 4. tačka 4 a) i b) ovog Pravilnika.

Član 7.

(Posebni uslovi za gljivarsku proizvodnju)

Posebni uslovi za gljivarsku proizvodnju:

- a) Za ostvarivanje prava na novčani podsticaj za gljivarsku proizvodnju, kandidat treba da ispunjava slijedeće uslove:
 - 1) da zasnuje proizvodnju na minimalno 15 tona komposta po kvartalu;
 - 2) da je kupio kompost sa micelijem za proizvodnju gljiva, što dokazuje fakturom i fiskalnim računom o kupovini za svaki proizvodni ciklus, ukoliko se radi o kupovini na području BiH, a ukoliko se radi o kupovini van područja BiH, izvodom iz banke da je izvršena uplata;
 - 3) da je na kupljenom kompostu proizveo gljive u zatvorenom prostoru.

Član 8.

(Posebni uslovi za kapitalna ulaganja)

Posebni uslovi za kapitalna ulaganja:

- a) Za ostvarivanje prava na novčani podsticaj za kupovinu novog plastenika kandidat treba da ispunjava slijedeće uslove:
 - 1) da je u tekućoj godini kupio nov plastenik, što dokazuje fakturom i fiskalnim računom o kupovini novog plastenika;
 - 2) da je vlasnik ili posjednik zemljišta na kojem je postavljen plastenik, što dokazuje ZK izvatom ili Posjedovnim listom, a ukoliko je zemljište zakupljeno ZK izvatom i ugovorom o zakupu na period ne manji od pet godina.;
 - 3) da posjeduje kopiju katastarskog plana parcele na kojoj je postavljen plastenik;
 - 4) da dostavi izjavu ovjerenu u Općini da će plastenik koristiti isključivo poljoprivredno gazdinstvo i da isti neće prodati ili davati u zakup trećim licima u narednih pet godina od dana kupovine plastenika.
- b) Za ostvarivanje prava na novčani podsticaj za kupovinu nove poljoprivredne mehanizacije i priključnih sredstava kandidat treba da ispunjava slijedeće uslove:
 - 1) da je u tekućoj godini kupio novu poljoprivrednu mehanizaciju i priključna sredstva, što dokazuje fakturom i fiskalnim računom o kupovini nove poljoprivredne mehanizacije i priključnih sredstava;
 - 2) da je registrovao mehanizaciju koja podliježe registraciji;
 - 3) da dostavi izjavu ovjerenu u Općini da će poljoprivrednu mehanizaciju i priključna sredstva koristiti isključivo poljoprivredno gazdinstvo i da istu neće prodati ili davati u zakup trećim licima u narednih pet godina od dana kupovine.

TREĆI DIO - DIREKTNI NOVČANI PODSTICAJI

Član 9.

(Iznos novčanih podsticaja)

(1) Novčani iznosi i normativi za direktne novčane podsticaje za tekuću proizvodnju po jedinici i vrsti ostvarene proizvodnje i za kapitalna ulaganja iz člana 2. Pravilnika utvrđuju se kao u tabeli 1.

Tabela 1.

R/B	MODELI PODSTICAJA	IZNOS U KM/JEDINICI MJERE (fizička ne registrovana lica); %	IZNOS U KM/JEDINICI MJERE (registrovana fizička lica- dopunska djelatnost	IZNOS U KM/JEDINICI MJERE (registrovana pravna i fizička lica- osnovna djelatnost)	NORME I LIMITI ZA PODSTICAJ
	1) ANIMALNA PROIZVODNJA				
1.a)	Farma mlječnih krava	120,00 KM/grlo	150,00 KM/grlo	200,00 KM/grlo	2-10 grla
1.b)	Vlastiti uzgoj priplodnih junica	250,00 KM/grlo	300,00 KM/grlo	400,00 KM/grlo	2-5 grla
1.c)	Farma za tov junadi	100,00 KM/grlo	150,00 KM/grlo	200,00 KM/grlo	3-10 grla
1.d)	Farma ovaca	12,00 KM/grlo	14,00 KM/grlo	16,00 KM/grlo	40-120 grla
1.e)	Farma koza	14, 00 KM/grlo	16,00 KM/grlo	20,00 KM/grlo	25-100 grla
1.f)	Farma za tov piladi	0,00 km/tovno pile	0,04 KM/tovno pile	0,05 KM/tovno pile	Min. 3000 po turnusu- max.40000 tovnih piladi godišnje
1.g)	Pčelinjak	15,00 KM/pčelinje društvo	18,00 KM/pčelinje društvo	20,00 KM/pčelinje društvo	30 do 100 pčelinjih društava
	2) BILJNA PROIZVODNJA				
2.a)	Zasnivanje novog zasada maline i jagode	180,00 KM/0,1ha	200,00 KM/0,1ha	250,00 KM/0,1ha	0,1 ha-1.00 ha jedne vrste voća (jedna parcela min. 0,1 ha)
2.b)	Održavanje zasada maline i jagode	150,00 KM/0,1ha	180,00 KM/0,1ha	200,00 KM/0,1ha	0,1 ha-2,00 ha jedne vrste voća (jedna parcela min 0,1 ha)
	3) GLJIVARSKA PROIZVODNJA- proizvodnja u zatvorenom	0,00 KM/tona komposta po kvartalu	15,00 KM/tona komposta po kvartalu	20,00 KM/tona komposta po kvartalu	Min.15 t- po kvartalu, max.100 t komposta

	prostoru				godišnje
	4) KAPITALNA ULAGANJA				
4.a)	Novi plastenik	30 %	40 %	50 %	Min. 50 m ² , max. 150 m ²
4.b)	Nova poljoprivredna mehanizacija i priključna sredstva	10 %	15 %	20 %	Min. iznos fakture 1.000,00 KM

(2) Modeli i vrsta podsticaja iz tabele 1. za tekuću godinu definisat će se javnim pozivom.

Član 10.

(Maksimalan iznos koji se može ostvariti)

Ukoliko kandidat podnese jedan ili više zahtjeva za novčane podsticaje po više osnova utvrđenih ovim Pravilnikom, maksimalan ukupni iznos koji se može ostvariti - isplatiti po svim osnovama je 2.000,00 KM (Slovima:dvije hiljade i 00/100 KM.)

Član 11.

(Objavljivanje javnog poziva)

- (1) Novčani podsticaji se dodjeljuju na osnovu javnog poziva koji objavljuje Općinski načelnik na prijedlog Službe za privredu i turizam;
- (3) Javni poziv iz stava (1) se objavljuje na web stranici Općine Ilidža, oglasnoj tabli Općine i Mjesnih zajednica;
- (4) U dnevnim novinama će se objaviti obavještenje o raspisivanju javnog poziva.

Član 12.

(Način podnošenja zahtjeva)

- (1) Zahtjevi za ostvarivanje prava za direktne novčane podsticaje se podnose od dana objavljivanja javnog poziva do 30.11. tekuće godine;
- (2) Zahtjevi za ostvarivanje prava za direktne novčane podsticaje podnose se, na propisanim obrascima Službe za privredu i turizam Općine Ilidža, na protokol Općine Ilidža;
- (3) Uz zahtjev se prilaže dokumentacija propisana Pravilnikom (original ili ovjerena kopija) ne starija od tri mjeseca, osim potvrde o upisu u Registar poljoprivrednih gazdinstava / Registar klijenata i Registar pčelara, ne starije od jedne godine;
- (4) Dostavljeni zahtjev i dokumentacija uvodi se u djelovodnik predmeta i akata i momentom upisa postaje službena dokumentacija;

Član 13.

(Postupak nakon prijema zahtjeva)

Nadležna Služba provodi upravni postupak, poduzima aktivnosti u svrhu eventualnih ispravljanja nepravilno popunjenih zahtjeva ili upotpunjavanja nekompletne dokumentacije, zapisnički konstatuje činjenice, te nakon provedenog postupka utvrđuje ispunjenost uslova i donosi rješenje o isplati podsticaja.

ČETVRTI DIO – MONITORING

Član14.
(Monitoring)

(1) Nakon provedene procedure i donošenja rješenja, Služba će kontinuirano pratiti i provjeravati, do isteka kalendarske godine, činjenično stanje ostvarene proizvodnje, a kapitalna ulaganja u skladu sa datom Izjavom;

(3) Ukoliko utvrdi da su sredstva na ime novčanih podsticaja utrošena nenamjenski ili ostvarena na osnovu lažno prikazane proizvodnje ili lažne dokumentacije, ili korisnik podsticaja postupi suprotno datoj izjavi, Služba će donijeti rješenje o povratu sredstava, a korisnik je dužan da vrati novčana sredstva u roku od 30 dana od dana pravosnažnosti rješenja;

(4) Novi zahtjev za podsticaj iz člana 9. ovog pravilnika može podnijeti nakon dvije godine, od dana povrata sredstava.

PETI DIO - PRELAZNE I ZAVRŠNE ODREDBE

Član 15.
(Prestanak važenja)

Stupanjem na snagu ovog Pravilnika prestaje da važi Pravilnik o kriterijima, uslovima i postupku ostvarivanja prava na poticaj u poljoprivrednoj proizvodnji („Službene novine Kantona Sarajevo“, broj 27/21).

Član 16.
(Stupanje na snagu)

Ovaj Pravilnik stupa na snagu osmog dana od dana objave u „Službenim novinama Kantona Sarajevo“.

Broj: _____

OPĆINSKI NAČELNIK

Datum: _____

Nermin Muzur, magistar uprave, s.r.

DOSTAVLJENO:

1. Stručna Služba – Kabinet općinskog načelnika
2. Stručna služba za usklađenost, integritet i kontrolu
3. Službene novine Kantona Sarajevo
4. Oglasna ploča Općine Ilidža – web stranica
5. Evidencija
6. a/a